

# Mahasiswa Prospek Barisan Kepimpinan Masa Hadapan

on 17 December 2014.



KOTA SAMARAHAN, 17 Disember : Mahasiswa sebagai modal insan Negara hari ini merupakan prospek barisan pemimpin pada masa hadapan.

Begitulah pesanan Yang Berbahagia Prof Dato' Dr Mohamad Kadim Suaidi, Naib Canselor Universiti Malaysia Sarawak (UNIMAS) kepada barisan Majlis Perwakilan Pelajar baharu untuk Sesi 2014/2015 sewaktu menyempurnakan Majlis Angkat Sumpah dan Penyampaian Watikah Pelantikan MPP Sesi 2014/2015 UNIMAS hari ini.

"Manfaatkanlah peluang dan kepercayaan yang telah diberikan ini untuk memantapkan barisan kepimpinan mahasiswa di samping membantu ke arah pembangunan Universiti,"Tambah beliau lagi.

Majlis tersebut menyaksikan seramai 13 orang pelajar telah dilantik secara rasmi sebagai MPP UNIMAS bagi menggantikan barisan perwakilan pelajar terdahulu yang telah tamat lantikan pada Oktober 2014. Mereka merupakan pelajar-pelajar yang terpilih melalui proses pilihanraya pada Hari Pengundian Pemilihan MPP UNIMAS yang telah diadakan pada 10 Disember 2014 yang lepas.

Sebelum itu, saudara Mohd Rahmat A Rahman, yang menyampaikan ucapan mewakili mantan Yang Dipertua MPP Sesi 2013/2014, menyatakan harapan barisan MPP sebelum ini agar rakan-rakan yang telah terpilih ini nanti akan memberi perhatian serius kepada aspek kebajikan pelajar serta bertindak secara proaktif dalam membantu pentadbiran Universiti.

Sementara itu, Yang Dipertua MPP baharu untuk Sesi 2014/2015, saudara Mohammad Syahme Baharuddin dalam ucapannya berkata, "Kami bersedia untuk menggalas amanah yang diberikan dan akan senantiasa memberikan

komitmen yang tinggi dalam membantu UNIMAS untuk menjayakan program-program yang direncanakan bagi pembentukan graduan holistic serta berdaya saing tinggi.”

Dalam majlis tersebut, barisan MPP Sesi 2014/2015 telah mengangkat sumpah untuk menjalankan tugas dengan sebaik mungkin demi meningkatkan taraf mahasiswa mahasiswi UNIMAS di persada Negara dan dunia.

Turut hadir di majlis tersebut adalah YBhg Prof Mohd Fadzil Abdul Rahman, Timbalan Naib Canselor (Hal Ehwal Pelajar dan Alumni), YBhg Prof Dr Kopli Bujang, Timbalan Naib Canselor (Penyelidikan dan Inovasi) dan YBhg Prof Madya Dr Mohd Ibrahim Safawi bin Mohd Zain, Penolong Naib Canselor (Keterlibatan Industri dan Komuniti).

Artikel : Yulhardy Budiman || Foto : Azlandy M.A.T